



### Ներկայացվեց ՔՀԿ-ների կարողությունների զարգացման միջազգային փորձը

Քաղհասարակության կազմակերպությունների (ՔՀԿ) կարողությունների զարգացման և պետության հետ կառուցողական երկխոսություն սկսելու Չեխիայի և Սլովակիայի փորձը ներկայացվեց Եվրամիության կողմից ֆինանսավորվող «Կառուցողական երկխոսության հանձնառություն» ծրագիրն իրականացնող կազմակերպությունների 15 ներկայացուցչի համար:

Հոկտեմբերի 11-13-ը եռօրյա դասընթացի մասնակցելու նպատակով Երևանում էին «Ազորա Սենթրալ Յուրոփ» ՀԿ համահիմնադիր Պավել Միչկան և սլովակ փորձագետ Պիտեր Գուշտավիկը:

«Մեր օրերում քաղաքացիական հասարակության կազմակերպությունները ժողովրդավարության լավագույն դպրոցներն են: Դրանք ավանդաբար հասկացվում են որպես դպրոցներ, որտեղ մարդիկ սովորում են ավելի ներգրավված լինել հանրային գործերում», - այս մասին նշեց Պավել Միչկան:

Սլովակ փորձագետ Պիտեր Գուշտավիկը դասընթացին ներկայացրեց իշխանության և քաղհասարակության միջև վստահության կառուցման գործողությունները. վստահությունը հիմքն է համագործակցության:

«Շատ կարևոր է հասկանալ վստահություն բառի իմաստը: Օրինակ, եթե ինձ կողոպտում են, ես կզնամ ոստիկանություն, քանի որ վստահում եմ: Եթե բացակայում է վստահությունը պետական համակարգի հանդեպ, խոսք չի կարող լինել ժողովրդավարության մասին», - նշեց դասընթացին մասնակցող իսպանացի կամավոր Սիլվիա դե Բենիտոն:

Հանախ հենց վստահության բացակայության հետևանքով մարդիկ չեն մասնակցում հանրային քաղաքականությունների մշակմանը: Դասընթացի մասնակիցներից Հայկուհի Ալավերդյանը նշեց. «Քաղաքացին չի էլ մտածում սեփական միտքը, գաղափարն առաջ տանելու մասին, երբ չի հավատում, որ այն հաշվի կառնվի և իր պայքարով հաղթանակի կհասնի»:

Փորձագետներն իրենց խոսքում ընդգծեցին՝ որքան էլ ուսանելի լինի միջազգային փորձը, Հայաստանն ինքնուրույն պետք է գտնի հաջողության իր ուղին:

Նշենք, որ եռօրյա դասընթացից հետո հոկտեմբերի 12-ին և 13-ին «Ազորա Սենթրալ Յուրոփ» ՀԿ համահիմնադիր Պավել Միչկան «Կառուցողական երկխոսության հանձնառություն» ծրագրի շրջանակում հանդիպումներ է ունեցել արդարադատության, տարածքային կառավարման և զարգացման, կրթության և գիտության, տնտեսական զարգացման և ներդրումների նախարարությունների բարձրաստիճան պաշտոնյաների:



Պետական կառույցների ներկայացուցիչները կարևորել են ծրագրի իրականացումը և վերահաստատել իրենց պատրաստակամությունը հնարավոր աջակցություն ցուցաբերել ծրագրի հաջող իրականացման համար:

**«Կառուցողական երկխոսության հանձնառություն»** ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Մենթոր Յուրովի» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՍ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ Համագործակցության Ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Մա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքականության փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

**Իրավաբանների հայկական ասոցիացիան (ԻՀԱ)** ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Լրացուցիչ տեղեկությունների համար կարող եք դիմել աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>, <http://ccd.armla.am>, էլ. փոստ՝ [info@armla.am](mailto:info@armla.am):



Ծրագիրը ֆինանսավորվում է Եվրոպական միության կողմից: Հայաստանում Եվրոպական միության պատվիրակություն  
Հեռախոս՝ +37410 54 64 94  
Հեռապատճեն՝ +37410 54 64 95

Իրավաբանների հայկական ասոցիացիա  
Հասցե՝ Նալբանդյան 7, բն. 2 Երևան, Հայաստան, 0010  
Հեռախոս՝ +37410 54 01 99  
Հեռապատճեն՝ +37410 58 02 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուս, ռեսուրսներն ու ուղիները: 50 տարվա քննարկման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: